

新安
鄉土地
地理
歷史

豁然題贈

MG
15928.66
3





敘

自五洲棣通。中國學校林立。起國民迄中學。皆習普通。滬上印刷發明。書局射利。各分年級。編製教科書。如地理歷史。旁驚八極。徧舉歐美澳非各洲。可以破迂拘之見。以啓發學生之世界觀念。此教育進步也。然國民學校。爲教育基礎。部令自升四年級。有鄉土地理歷史二科。令教員自編課。夫教員終日敝精神於三段五段之教授。新法編制教案。無論其有無素

養。日不暇給。安有餘晷。卽以新安言。如九河之原委。歷代之沿革。鄉先輩之風節。塾師輒曰。貽舌繹而不能答。何以啓後進。通都大邑。閒有爲之者。亦僅於國文課中。片段爲之。毫無統系。竊有憾焉。吾邑董君蘭舫。承先人遺囑。銳意興學。首成立商校。國民則由城及鄉。以次推廣。不可不慎於始而養之正也。不佞方纂修邑志。因略分章節。凡二來復日而竣。俾初學讀之。得周知吾新安固有之區域。激發新青年特立之

精神。察地利則先辨土宜。述先正必有關風教。此區區之編輯意也。先入爲主。具訓于蒙士。辛酉夏正八月初吉伊人鏡紱於商隱齋





新安鄉土地理

目次

授課時數

第一章概說 自然地理

第一 位置

一

第二 疆界

一

第三 地勢

一

第四 河流

一

第五 唐河

一

新安鄉土地理 目次

第六 一畝泉

第七 徐河

第八 金綫河

第九 陽城河

第十 漕河

第十一 雹河

第十二 入境經流

第十三 滋河沙河

— — — — —

第十四 九河之委

一

第十五 淀泊

二

第十六 氣候

一

第二章 人文地理

第十七 戶口

二

第十八 社甲

三

第十九 田稅

一

第二十 城池

二

新安鄉土地理 目次

三

第二十一 衙署處所

第二十二 壇廟

第二十三 隄牯

第二十四 水利

第二十五 交通

第二十六 集市

第二十七 物產

第二十八 動物

一

一

三


二

一

一

五

三



九河源流河道圖

新安鄉土地理

第一章 概說 自然地理

第一節 位置

新安位於直隸省之中部。北距京師二百八十里。西距保定道尹治九十里。東距直隸省長治二百八十里。淀泊交匯。水陸交通。面積凡二千五百方里。

第二節 疆界

東至四角河頭界任邱。西至三臺義濟橋西界容城。

南至辛家莊界。高陽。北至西陽村界。雄縣。東北至馬蹄灣界。雄縣。東南至馬莊界。任邱。西南至蓮子口隄界。舊安州。西北至尹家莊界。容城。截長補短。各五十里許。

第三節 地勢

地脈西北自容城來。原隰坡陀。村落環大渥淀之濱。左爲北鄉。右爲西鄉。澱家淀匯于東北。白洋洛汪鴨圈燒車諸淀。由南而東。匯爲巨澤。荅淀匯于西南。大

勢西北高而東南下。

第四節 河流

新安爲九河下游。唐河之來源最遠。言地理者定爲經流。凡萍雹徐漕一畝泉方順陽城諸河。皆次第合流入于西境。滋沙二水。會爲潞龍河。入于南境。宜知其來源。今分述如左。

唐河一

唐河。

古澗水俗名老河

源出山西渾源縣恆山東麓。逕長城

倒馬關入唐縣始名唐河合逆流河恆河泥河諸水

舊至安國縣原州伍仁橋與滋沙合流自同治年北

徙復故道經安州之老河頭與府河會八河皆清惟此河性濁

一畝泉二

府河卽一畝泉古沈水源出滿城縣東一泉故名出閭合

鷄距五花申泉諸水逕清苑城今保定西南靈雨寺

之大牖一支合白草溝水循城而南一支循城西北

而東徐河自西北來會復與正流合于南門天水橋

下。始通舟楫。航路以經此河。

徐河三

徐河。古大册水源出易縣西南之五迴嶺。繞邯山南。經滿

城入清苑界。正流至徐水縣漕河店。合漕河。支流入

保定之護城河入府河。逕新牖下。牖仙人橋。牖糧河

橋。俗訛為花橋金綫河自西南來會。

金綫四

金綫河。即方順河。古曲澗水源出完縣之伊祁山。合

五雲廣利渠蒲河諸水。經滿城縣之方順橋。一支北流為白草溝水。合一畝泉。正支至糧河橋。合于府河。又東北逕東安橋。又東至臧家灣。迤南陽城河自西南來會。

陽城河五

陽城河。

水古博

源出望都縣之九龍泉。九泉涌發。合流

東注。逕清苑之陽城村。

漢陽城縣治

始名陽城河。會段家

溝古靈山河。

唐支流

至臧家灣。迤南入府河。

九河宜去

河又東逕舊安州西界老河頭。唐河合土尾河自西
南來會。見唐前府河又東經李家莊。漕河合徐河自西
北來會。

漕河六

漕河。源出易縣之漕河澤。自漕河店合徐河。經李家
莊入府河。又東北經安新縣城北。州源治安又東循南隄
至蓮子口。有界碑。入新安界。又東北貫荏淀。雹河合
萍河自西北來會。

霍河七

霍河。古南易水源出易縣城西南石獸岡。東南流經遂城

北。又東經徐水縣城北。合鷄爪河。又東經邑西南三

臺村。合萍河。按萍河無源。今為定容積潦。下流貫荏淀。

入府河。

入境經流八

府河經南北土橋。又經長溝。縣志名長流河。水勢益盛。一支東南流。經太平莊。又東經劉家莊。閻家灣之

廣佑橋東經泥李莊砦南下張莊與正流合。正流經
邑城西南隅。一支北流環西北東三面。正流循城南
面折而東。至東門外通濟橋東與支流合。又東經宋
家莊經鴨圈淀北與長溝支河溝渠灌注。又東經大
小張莊至王家砦。滋沙合爲潞龍河。貫白洋淀。自西
南來會。

滋河沙河九

滋河源出山西繁峙縣。入直隸。經阜平靈壽行唐正

定深澤。至安國縣伍仁橋合沙河。會唐河於三岔口。自下名潞龍河。沙河。水古派源出山西靈邱縣。入直隸。經曲陽新樂定縣。至安國縣會滋河。二河源之遠。流之巨。與唐河同。唐滋二河性濁惟沙河最清

九河之委十

長流河經王家砦。又為四支河。股即河四一通王家砦。一通砦南。一通淀頭。一通四角河頭。又東經李趙劉張四莊。又東匯為蓮花淀。東經趙北口。至清河口始名。

清河又東經雄縣。史各莊西會清河北源拒馬北易中易諸水。河流益盛達天津西沽。入於海。

第五節 淀泊

新安四境皆淀。白洋爲最巨。潞龍河所匯。周六十里。在端村南。洛汪淀。康家淀。在大淀頭東南。燒車淀。周三十里。在邑東北。郭里口。宛在水中。

淀泊二

大渥淀。周四十里。西界容城。澱家淀。東界雄縣。在邑

城北之左右拱抱如兩環。荅淀爲雹河所匯。在邑西南。一名上淀。周三十五里。鴨圈淀在泥李莊北。水至清。

第六節 氣候

直隸土厚而高燥。爲大陸地。惟新安九河通流。淀泊交匯。含水蒸汽性。春融秋漲。厥土塗泥。是以氣候溫溼。土脈膏沃。冬季則層冰沍寒。亦較京師爲煖。

第二章 人文地理

第一節 戶口

自清雍正時。以丁稅攤入地賦。爲中外古今之曠典。

戶口遂無詳密之調查。據（金史）安州領縣三。附渥郭

高領葛陽城

戶二萬五百三十一。析三分之一。尙及萬戶。

縣志載明洪永時。丁二千三百。則戶口銳減。正嘉時。

丁九千五百。萬歷時。丁一萬七千六百。則戶口頓增。

清順治初。丁額七千一百八十七。大致遇鼎革則耗

減。值全盛則蕃息。

戶口二

府志載光緒七年。調查新安鄉城關共編戶一千五百十八。東鄉十四村。編戶二千三百九十一。南鄉十六村。六千四百四十二。西鄉十二村。編戶二千六百一十三。北鄉十五村。編戶三千七百一十五。綜計一萬六千六百七十九戶。

戶口三

民國十四年。清鄉調查新安中區城關。共編戶二千

五百零三。東鄉二十四村。編戶二千九百四十六。南鄉二十四村。編戶六千四百四十二。西鄉十二村。二千一百五十六。北鄉十五村。編戶三千七百一十五。綜計一萬六千二百零七^{十一}戶。男女八萬一千九百六十五口。比較前次。則中東增。而南西北三區減。

第二節 社甲

社甲自金元設治時編制。以徵丁稅。城鄉分五社。昇平社。爲在城社。領鄉四。曰六里。在邑之北。曰公隄。

漆城在邑之西。公隄凡四。六里亦四。

社甲二

東南社。領鄉五。為東鄉。曰宋家莊。張家莊。兼田家王家

砦。郭里口。孤莊頭。下李。趙劉張四莊。

易陽社。領鄉十有五。為南鄉。曰閻家灣。兼趙莊。太平董莊。小楊

莊馬家砦。砦南。泥李莊。馬村。馬鋪。大淀頭。小淀頭。端

村。原名田家莊。邱家莊。高家莊。馬家莊。李家莊。辛家

莊。

社甲三

三臺社。領鄉六。爲西鄉。曰張村。淀上。獅子。申明亭。馬家莊。獨家疇。山西村。

太平村。領鄉八。爲北鄉。曰大王。小王。大陽。小陽。南河。向村。西陽。北張莊。尹家莊。于家莊。

第三節 田稅

民糧地一千一百七十七頃八十畝零。各項旗租地一百二十七頃一十六畝。河淀租七十八頃三十六

畝零。白洋淤田。共一百十頃十一畝零。綜計一千四百九十三頃三十三畝零。額徵銀六千六百七十兩零。除官淀不計外。實在徵收民地之數。每畝較大糧地。多以七畝二分折算。故錢糧爲最低額。

第四節 城池

邑城爲古渾塗城故址。金設縣治時拓而築之。明初遭水患改築。周一千三百二十五丈。計七里十三步。崇禎時易土而甃。清乾隆時發帑改築。墜城屹然。飛

樓映水。有四門九橋之勝。

城池二

邑城四門。有甕城。東曰迎暉。曰西肅。南曰延薰。北曰拱宸。護城河自城西南隅繞城南面折而東。爲大河正流。支河環城三面。以隄爲界。池面寬深。

第五節 衙署處所

縣署在東街。大堂曰牧愛。二堂曰懷安。西曰槐蔭。儒學署在南街。新安勸學辦公處。在縣署內。先改興史。

署爲倉廩。今因之。新安中區警察分所。在南街口。預備倉遺址。

第六節 壇廟

山川風雲雷雨壇。在南門外。社稷壇。在西門外。先農壇。在崔公隄村北。厲壇在北門外。孔廟關岳廟在南街。今春秋仲月致祭。

此二課發國民規復縣治思想

第七章 隄牘

邑有南北二堤。沿長流河之南曰南堤。自蓮子口西接舊安州。入新安界。東迤經北土橋。轉而南。經太平莊。有牯。又經東劉家莊。泥李莊。砦南。有龍頭牯。折而南。經淀頭。有牯。折而西。經馬鋪。端村鎮。有東西二牯。又西五里至任邱寄境內之關城。共長四千九百七十一丈五尺。

隄牯二

沿長流河之北曰北堤。自三臺西大橋南迤。折而東。

循峯淀北岸。經涑城四公堤之南。又東經留村南之土橋。東南迤。經邑城西南隅。折而北。有牖。環城三面。至東關折而東。經宋家莊張家莊。有牖。折而北。經南河頭。有牖。與新河隄接。又東經馬蹄灣。入雄縣界。共長一萬零六百八十六丈五尺。

隄牖三

新河隄自三臺西大橋。東北迤。經山西村新莊窠之北。又東經于尹二莊。北張莊之西南。有四工牖。又東

經小王營。向村北。又東經南河頭。有牐。與北隄接。以障容城積潦南下之水。二牐以時啓閉。以資宣洩。東入燒車淀。共長五千三百零一丈六尺。

第八節 水利

新河自三臺西引萍雹支渠。北流折而東。至四工牐。灌大渥淀。南河頭牐。引燒車淀水。灌澱家淀。溝渠交通。以邑城西關牐。東隄張家莊牐爲下口。今渠多堙塞。清代水利營田故迹。爲北隄內水利。

水利二

南隄太平莊。陂南龍頭。皆引長流河水。南至馬家砦。經馬村。分二支。洩于淀頭。端村東西二陂。名三岔河。入白洋淀。此河上承滹易。東達四女。南通白洋。爲南隄內水利。

第九節 交通

邑城北關。由陸路東北四十里。達白溝河。西北六十里。達固城車站。西關由陸路正西五十里。達徐水。

原安

車站均北上至京師。南關西南水路九十里達保定。南行水路經端村。過白洋淀西南入瀕龍河達高陽。蠡縣東南抵大樹劉莊。達任邱肅甯。東關水路正東二百八十里達天津。水路交通。文化之發達亦速。

第十節 集市

本城集市以二七五十日。端村鎮以一六日。三臺鎮

以三八日。百貨交通。惟食糧須仰給外界。玉黍高粱

麥來自山東。販自容城。交易以端村為最盛。通常用品外有

葦市。席市。靛市。船市。本城次之。三臺又次之。又菜市。牲畜市。

第十一節 物產

東南近水。宜稻。麥。麻。西北高阜。宜麥。黍。黏曰黃米稷。

紅分黃黏不黏菽。最豆秫。梁高玉蜀黍。芝麻。惟豐收僅敷

民食。歲歉須仰給外省。

植物二

吾邑植物特產二種。曰靛。葦。靛以栽於圍淀窪田為

最宜。培泥以挖白蠶河。豬龍河口門者爲佳。乃河淤肥料。靛有大葉小葉各種。小暑節後割之。浸以淀水。顏色鮮艷。澤農曰靛秋。

植物三

葦質之最上者曰裁葦。曰黃穰。性堅韌。音刀堅也。可織席。培以淤泥乃佳。次曰白茆。可供燃料。均宜於淀河水田。銷售於津保蘆臺。達奉天。爲出產大宗。霜降節後割之。沿村塚積。澤農曰葦秋。

植物四

水產植物。除菰蒲蓮芡外。尤以菱芰爲上品。淀民婦女多采之。熟以供食料。實之老者。曝乾和稻米煮之最甘香。研爲粉可調粥。別有風味。

植物五

木類植物。圍淀各村宜植柳。市城喜種槐榆。惟西北高阜有松柏。園圃多植棗。如蘋婆林檎間有之。三臺之桃特著名。

動物一

禽之屬。雞爲家禽。黃鸝鶯燕烏鵲等。隨處有之。水產如鶴鵝鴛鴦鳩鵲鷺鶯鷓鴣。則千百成羣。取其卵供京津客莊轉運。鷓鴣春取以供食料。味之珍者曰鶩。俗名鴨外售至津埠。獸之屬。惟牛羊豕馬羸驢供農家之用。如獾兔狐狸等。見獵心喜者。每養鷹犬以捉取之。

動物二

